



# Ou ka bezwen renouvle ITIN ou genyen ki ekspire a

## Ki sa yon Nimewo Idantifikasyon Endividyèl pou Kontribiyab (ITIN) ye?

ITIN se nimewo tretman enpo ki soti nan IRS ke ou menm, mari oswa madanm ou, oswa moun sou kont ou dwe itilize pou fè yon deklarasyon enpo nan peyi Etazini si ou pa elijib pou yon Nimewo Sekirite Sosyal.

## Poukisa ITIN mwen an ka ekspire?

Gen de rezon yon ITIN ka ekspire nan fen ane sa a:

- Si ou pa te itilize ITIN ou an sou yon deklarasyon enpo nan peyi Etazini omwen yon fwa nan ane fiskal 2014, 2015 oswa 2016 oswa...
- Si ITIN ou an gen chif nan mitan li ki se 70, 71, 72 oswa 80 (9NN-70-NNNN, 9NN-71-NNNN, 9NN-72-NNNN oswa 9NN-80-NNNN).

## Èske IRS ap fè mwen konnen si ITIN mwen an ap ekspire?

IRS ap fè ou konnen pa lapòs nan yon lèt ki rele (Avi CP-48) kote li pral di ou gen yon ITIN nan deklarasyon enpo ou k ap ekspire si ou te fè deklarasyon enpo nan Etazini nan twa dènye ane ki sot pase yo epi ou te itilize yon ITIN pou ou menm, mari oswa madanm ou, oswa moun ki sou kont ou epi ITIN sa a gen yon chif nan mitan li ki se 70, 71, 72, oswa 80.

IRS p ap fè ou konnen dirèkteman si ITIN ou an pa te ekri nan deklarasyon enpo ou an nan peyi Etazini omwen yon fwa nan twa dènye ane fiskal ki sot pase yo. Gen yon pakèt kominikasyon nan medya ansanm ak lòt pwogram sansibilizasyon ki deja sou pye pou ka fè tout kontribiyab ki afekte yo konnen.

## Èske mwen bezwen renouvle ITIN mwen an?

Ou bezwen renouvle sèlman yon ITIN ki ap ekspire si li ap fè pati yon deklarasyon enpo Ozetazini oswa yon demann pou ranbouse ou ke ou konte depoze an 2018. Tcheke zouti ki nan [Interactive Tax Assistant](#) sou sit IRS.gov ki ka ede ou detèmine si ou oblije fè yon deklarasyon enpo.

Epitou, si ou genyen oswa ou kalifye pou yon Nimewo Sekirite Sosyal, pinga ou renouvle ITIN ou an. Ou pa ka genyen yon ITIN ak yon SSN (Nimewo Sekirite Sosyal) an menm tan.

## Kilè pou mwen renouvle ITIN ki ekspire mwen an?

Si ou bezwen fè yon deklarasyon enpo Etazini an 2018 epi ITIN ou an ap ekspire, ou dwe kòmanse pwosesis renouvèlman an imedyatman. Ou ta dwe soumèt Fòm W-7, ki se *Aplikasyon pou Nimewo Idantifikasyon Endividyèl IRS pou Kontribiyab*, ak tout dokiman idantifikasyon yo mande yo. Fè dekwa pou ou sèvi ak [Fòm W-7](#) aktyèl la (Rev. 9-2016). Tout manm fanmi ka soumèt yon Fòm W-7 an menm tan si omwen youn nan ITIN manm fanmi ou yo gen chif nan mitan li ki genyen 70, 71, 72 oswa 80..

## Kisa ki ap pase si mwen pa renouvle ITIN ki ekspire mwen an?

Ou sèlman bezwen renouvle ITIN ou an si ou bezwen fè yon deklarasyon enpo nan Etazini an 2018. Si ou pa renouvle ITIN ou epi ou fè deklarasyon enpo nan Etazini ak ITIN ki ekspire a, ka genyen reta nan tretman dosye deklarasyon enpo ou a.

Pou plis enfòmasyon, ale sou [IRS.gov/ITIN](https://www.irs.gov/ITIN).